

**Delegatkinja Nermina Kapetanović** postavila je tri pitanja Vijeću ministara BiH i Ministarstvu komunikacija i prometa BiH, koja glase:

- „1. U kojoj je fazi izrada Prijedloga zakona o Agenciji za razvoj informacionog društva Bosne i Hercegovine?
2. Kada će se uskladiti propisi s Direktivom o elektronskom poslovanju i provedbenim propisima?
3. Kad će se početi provoditi Zakon o elektronskom potpisu BiH ('Sl. glasnik BiH', broj 91/06), koji je usvojen 2006. godine, te kad će stupiti na snagu Zakon o elektronskom pravnom i poslovnom prometu BiH ('Službeni glasnik BiH', broj 88/07)?

Obrazloženje:

Predstavnički dom Parlamentarne skupštine BiH na 85. sjednici, održanoj 18.9.2006., a Dom naroda Parlamentarne skupštine BiH na 63. sjednici, održanoj 20.9.2006., usvojili su Zakon o elektronskom potpisu, koji je objavljen u 'Službenom glasniku BiH', broj 91/06.

Vijeće ministara BiH se, na osnovu člana 26. stav (2) navedenog zakona, obavezalo da će najkasnije u roku od šest mjeseci od dana objavljivanja ovog zakona donijeti podzakonske akte za provođenje ovog zakona, a nadležno ministarstvo, odnosno Ministarstvo komunikacija i prometa BiH, u skladu sa stavom (3) istog člana, da će u redovnoj proceduri u roku od dva mjeseca uskladiti unutrašnju organizaciju Ministarstva s članom 20. stav (1) navedenog zakona i osnovati Ured za nadzor i akreditaciju kao nadzorni organ za provođenje tog zakona, s obzirom da je prošlo šest godina od usvajanja ovog zakona i da je Evropska komisija u Izvještaju za 2012. godinu ocijenila da Bosna i Hercegovina nije postigla napredak u ovoj oblasti.“